

մեզանում ոչ թէ փոփոխութիւններ և բարենորոգումներ էին պահանջում «ազգի ներկայացուցիչները» այլ «ընդհանրապէս կրօնականութեան դէմ էին, որ այնպէս խորը նստել է ժողովրդի հոգու և սրտի մէջ» (Ա. Ահարոն. ճառը այս առթիւ):

«Товарищъ»

ԿԱԹՈՒԼԻԿ ԵԿԵՂԵՑԻ

Կաթոլիկ բնկերութիւններ. Գերմանական կաթոլիկները Ամերիկայի ընկերութիւնը 1906 թ. 72,259 մարկ է ստացել: Գերմանիայի գերիշխանութեան տակ գտնուած երկրներում միսսիոնարական ընկերութիւնների արած ծախքը, բացի յատուկ նպատակներով արուած նուէրներից՝ հասնում է 66,125 մարկի:

Գերմանական գաղութներում գործող 12 միսսիոնարական ընկերութիւնները 163 գլխաւոր և բազմաթիւ երկրորդական կայարաններ ունեն: Այդ տեղերում 538 միսսիոնարներ են գործում (քահանաներ և եղբայրներ) 216 գթութեան քոյրեր, ընդամենը 754 եւրոպացի գործիչներ, և 1000-ից աւելի կրօնի դասատուներ կամ հրահանգիչներ՝ ընկններից:

Փետրի Ալբերդ Մագնուսի ընկերութիւնը 1906 թ. 65 ճիւղ ունէր, 21161,75 մարկ եկամուտով: 1906 թ. 90,000 մարկ գործածուած է ուսանողների օգնութեան համար: Դոցանից 15-ը իրաւաբանութիւն էին սովորում, 2-ը քաղաքատնտեսութիւն, 85 լեզուաբանութիւն, 12-ը մատեմատիկայ և բնագիտութիւն, 6-ը բժշկութիւն, 1-ը անասնաբուժութիւն, 3-ը մեքենայագիտութիւն, 1-ը գիւղատնտեսութիւն:

Կան դաւանաբանական բնաւորութիւն կրող ընկերութիւններ, որոնց նպատակն է աղախիններին վարժեցնել տնային տնտեսութեան մէջ: Այդպիսի 4 ընկերութիւն կայ Բաւարիայում 1000 անդամներով: Բազենում արդէն կամենում են մի մեծ միութիւն հիմնել: Ապրիլից Միւնխենում «Hans und Herd» վերնագրով մի երկշաբաթաթերթ է հրատարակում յատուկ աղախինների ընկերութիւնների համար, որպէս նրանց բերան: Կաթոլիկ պատանիների համար հիմնուած է մի ամսաթերթ «Die Wacht» անունով:

Պիոս Ժ. եւ կենդանիների պաշտպանութեան ձգտումը.— Անգլիական կաթոլիկութեան բերան Pablot թերթը հաղորդում է հետեւեալը, որ մենք առնում ենք Ch. b. Chr. W. թերթից: Նորերս Պիոս Ժ. երկու գիրք սիրով նուէր ընդունեց ա) «Առաքելքը և կենդանիները», բ) «Եկեղեցին և կարեկցութիւն դէպի կենդանիները»: Հասկանալի է, որ Պիոս Ժ. ժամանակ չունէր այդ գրքերի ընթերցանութեամբ զբաղուելու, բայց երբ տեղեկացաւ, որ այդ գրքերն ուղարկուած են Նէապոլի կենդանիների պաշտպան ընկերութիւնից և թէ գրուած են ցոյց տալու համար, թէ մեծ սուրբերից շատերն իրենց հեղութեամբ և բարութեամբ նշանաւոր են հանգիստացել և թէ եկեղեցու հոգին միշտ այս խնդրում զօրաւոր է եղել, ջերմ համակրութիւն յայտնեց և սւղարկեց իւր առաքելական օրհնութիւնը Մարքիզուհի Րամբուրին, որպէս եկեղեցու հաւատարիմ գոտեր, որ «Եկեղեցին և կարեկցութիւն դէպի կենդանիները» գրքի հեղինակն է: Պատը գրեց իւր ձեռքով իւր լուսանկարի վերայ մի օրհնութիւն նրանց համար, որոնք համիներին և Աստուծոյ պարգեւած ծառաներին պաշտպան հանդիսանում անդիտութեան դէմ: Դորանով նա անուղղակի այս միտքն է յայտնում, թէ կաթոլիկ եկեղեցին Աստուծոյ հաճելի պարտաւորութիւն է համարում կենդանիներին չարչարելու դէմ մղուած կռիւը: Այսպէս կաթոլիկ եկեղեցին կարողանում է հանգամանքներից տեղն ու տեղն օգտուել եկեղեցու հեղինակութիւնը բարձրացնելու և ժողովրդի համակրութիւնը գրաւելու համար:

Կաթոլիկ պրոպագանդայի կոնգրեսգացիան հրատարակել է մի հաստաժաւալ հատոր 1000 երեսից բաղկացած, որ վերաբերում է 1901—1906 տարիների միսիոնարական գործունէութեան:

Վիճակագրական տեղեկութիւնը ցոյց է տալիս, որ մեծ յաջողութիւն է ունեցել պապական եկեղեցին յիշեալ տարիներում: 1901 թուին քարոզչական երկրներում կային, 25,852,206 կաթոլիկ: Վերջին 5 տարիներում այդ թիւը աճել է 30,619,767-ի: Առանձին յաջողութիւն է ունեցել Ափրիկայում, ուր 1901-ին միայն 402,582 կաթոլիկ, իսկ այսօր այդ թիւը կրկնապատկուել է՝ 845,739: